

sum curas, inexhaustam quandam memoriam militarem insitam animaduerti, quæ crebro in horrorem compulit cogitantem, quanto b<sup>r</sup>erior fuisset, si eam sibi quod studiosi Homines solent ) circumuallare & fulcire quotidiana lectio-  
 ne licuisset: Vidi scilicet semel vel audiuisse fatis est, nunquam obliuiscitur, nec res modò meminit, sed verba, tempus & lo-  
 cum, vbi quid primum acceperit. Sæpè totos dies aut longas noctes colloquēdo transegimus, audiendi namque cupidior nemo est, post annos verò suborta earundem rerum mentione, si quid fortè plus minusue aut aliter dixisse, submissa voce confessim admonebat, hoc me aut illud verbum mutare. Admirantiq<sup>e</sup> & vnde nosceret percunctanti, non solum tempus, quo id ex me audiisse, sed sub cuius ilicis umbraculo, ad cuius undam fluminis, in cuius maris littore, cuius montis in vertice ( longinquas enim secum oras circumiui ) me singula recognoscente memorabat. Iterum & iterum expertus fateor, ad loquendum illo præsente, quod vel cauior certè, vel tardior factus sum: Et hæc quidem memoria sub armis, at sequens sub amictu Religionis inter libros habitat.

CLE-